

趙恭毅公自治官書類集

趙恭毅公自治官書卷之十四目次

長沙何祖栢蒐輯

批詳

戶政類

批藩司詳覆醴陵楊令濫派由

批藩司詳吳方谷告案由

批臬司詳雷際成控東安令私置法馬由

批藩司詳饒零祁東三縣屯糧混編里甲苛索由

批藩司詳邵陽縣上銀兩報府換文轉解由

批衡州府詳冊書審兩判等造冊派費由

批藩司詳沅陵民李天衢等請另立新里由

批長沙府詳趙擎一夥陳輝侯開克歇保私派由

批藩司詳李俊等條陳濫派各款由

批衡州府詳衡陽縣重戕加耗由

批道州詳歸併寧遠衛屯糧私派由

批攸縣資屯糧花名冊

批長沙府詳鍾嘉瑾控文苑智指官苛派由

批藩司詳陳以儒等控元三濫派由

批黔陽縣詳禁革私派由

批藩司詳歐庶安告訪究貪違由

批長善二縣會詳葉大綠控濫派各款由

批衡永郴道詳吳叔度呈礙米濫派由

批臬司詳龍九臯控妄光白派數雜費由

批沅陵縣詳每里一人領單滾催由

批綏寧縣詳未完捐耗藩司將批解餉銀扣除由

批藩臬二司詳銅鼓衛蠹何天寵等作弊害民由

批藩臬二司詳劉令濫設排長由

批激浦詳滾單催徵勒石永遵由

批衡州府詳安仁馮令私派由

批藩司詳零陵縣改甲書爲排長由

批藩司詳桃源縣派鹽勒穀由

批藩司詳謝世測等加荒派費由

批臬司詳雷際成控駱乘蛟濫派一案由

批衡州府詳劉効武控劉梅等勒包差費由

批藩臬二司詳澧州蠹役周元章等重耗由

批臬司詳高正清等控洪運炳派費由

批衡州府詳覆各屬設立滾單由

批長沙府詳湯彥宗控王同文等私收保穀由

批嘉禾縣詳輩除里長各款由

批藩臬二司詳李其韜訴沈曾成濫派由

批衡陽縣詳胡忠生控蔡奇生等欺官剝民由

批澧州詳張之傑等控告各款請究刁誣由

批安鄉縣詳徵收錢糧滾單之法由

批司道會詳易成週等控文兆智等濫派由

批辰州府詳向修道控舒吾文私派由

批藩司詳衡陽縣因頑戶沉攔滾單偶行罰催由
批藩臬二司詳駱秉較由

批岳州府詳先經呈報差役柳才等催取老人冊
結由

批辰沅道詳吏目潘光燿托情傾銀買備礮米由
批辰州府詳覆沅江吳令在任時有養廉銀二千
兩由

批衡州府詳覆劉六皆控嚴青等勒派由
批寶慶府同知詳解新寧縣經承陳超凡由

批辰州府詳覆黔陽縣勾糧當差由

批寶慶府同知詳解新寧縣經承陳超凡等候訊由

批寶慶府詳陳元生控雜派由

批長益二令會詳武岡州曾士明控王天佑私派

由

批長沙益陽二縣會詳曾士明等告案由

批嘉禾縣詳禁革條議勒石由

批岳常道詳革本衙門年終更換修理理由

批糧道詳黎方伯刁控私派由

批寶慶府詳新寧縣革除雜派由

批沅江縣詳覆現年糧戶由

批新寧縣詳該縣南關外里棍特創局屋請改義

學由

批桂陽縣詳棚廠等項俱係捐給由

批藩司詳成公玉控典史許廷珪勒索由

批藩臬二司會詳澧州蠹役周元章等重耗私派由

批澧州詳奸民仝毅候捏控橫行由

批藩司詳據岳州府詳張之傑等各詞情吊卷併

審由

批衡山縣詳漕項等費作何設施由

批藩司詳報巴陵縣原呈裴可太枷斃由

批藩司糧道詳起解錢糧連批州縣編號由

批江華縣詳彭克傳呈請勒石永禁巡哨等弊由

批麻陽縣詳革除雜派由

批布政司詳尾欠錢糧倉差排年催完由

批藩司詳龍德燦呈請勒石革弊由

批藩司詳零陵民楊德生等改里爲排由

批藩司詳桃源縣錢糧酌議甲首督催由

批長沙府詳覆催差陳恒于長善二縣催餉由

批藩司詳黔陽縣危誠兄弟主持私派由

批武陵縣詳李品蓁告赦教官藉詔詐銀由

批藩司詳於澧河之南修行宮由

批衡永郴道詳改委耒陽署令由

批藩司糧道詳耒陽縣南漕二米照正餉自納由

批驛糧道詳據善化縣李之璿呈控沈令南折加

派由

批平江縣詳資漕費支用銀米冊由

批湘陰縣詳資漕費耗米支用冊由

批衡陽縣詳覆漕項銀米支數由

批臨湘縣詳覆漕項支用銀米各數由

批寧鄉縣詳里納米石支銷由

批巴陵縣詳漕項支用銀米各款由

批攸縣詳漕項銀米支用由

批瀏陽縣詳資漕規冊由

批衡陽縣詳漕項銀米支用由

批澧州詳資漕項支用冊由

批澧州詳上年支剩漕費係署令散給里民並無

存庫由

批益陽縣詳漕項支用銀米冊由

批藩司詳江守收衡山等縣漕例由

批澧州詳漕費散給里民難以復追由

批藩司糧道詳長善二縣漕糧耗費由

批藩司糧道詳寧鄉縣漏造里納米由

批藩司糧道詳瀏陽縣等縣漕項由

批藩司糧道詳平江縣徵漕加耗由

批藩司糧道詳湘鄉多加耗米追克本年漕耗由

批藩司糧道詳平江縣漕費多徵銀米由

批平江縣詳資制斛斗升解驗由

批驛糧道詳衡陽縣漕費由

批糧道詳資兌漕制斛斗升請驗由

批寶慶府詳羅美章私收折米由

批都使司詳平清二衛米折銀兩辯明司庫字樣

由

批藩司詳移查都使司屯米折銀由

批耒陽縣詳覆本年南米因新役遺漏已徵在庫

四字由

批糧道詳解衡陽縣經管南米經承候訊由

批糧道詳湘潭縣多徵銀米抵充本年漕耗由

批岳常道詳澧州漕費餘銀追充本年漕項由

批安仁縣詳漕糧照往例捐增一合由

批臬司詳江守收衡山等縣漕規應否行追由

批藩司臬司糧道會詳江守勒收漕規悉爲交由

免叅由

批常寧縣詳漕費通縣公辦解運由

批澧州詳餘剩銀兩里老倉稱分領由

批平江縣詳南折與民賦合徵由

批衡山縣詳江守收受漕費仍給該年之人由

批糧道詳里納脚米原非勒索由

批湘陰縣詳兵米按月支給由

批糧道詳臨湘縣漕費由

批常寧縣詳漕費每石一錢二分並無另派由

批長通判詳羅仕英告許奇元濫派由

批驛糧道詳衡陽縣漕費扣減外並無多派由

批岳通判詳覆閩會友等詞控侵漕由

批糧道詳劉孟達等多徵漕費由

批藩司糧道會詳羅仕瑛告縣胥勒索各款由

批驛糧道詳開丁銀兩由

批糧道詳衡山縣南米士民自願同餉併納由

批糧道詳資酌定兵米冊由

批驛糧道詳二幫漕糧兌竣請題報由

批驛糧道詳城步縣支剩秋米解經善令彈收由

批糧道詳運軍涂繼兒控衙蠹占田由

批糧道詳資樣斛驗發由

批靖五協詳照舊坐撥兵米由

批藩臬二司會詳湘鄉民劉有源條呈由

批驛鹽道詳長辰二府欠解米價由

批藩司詳唐天祥等控私徵帖稅由

批藩司詳寶慶茶戶劉崇義控重徵稅茶由

批藩司詳倪玉伯童髦年私收魚課由

批藩司詳牙行劉于遠等陵官勒稅由

批湘潭縣詳牙行各項陋規由

批藩臬二司詳牙行張貴卿違禁放米由

批藩司詳新化茶戶劉崇義控重徵由

批湯彥宗等控私派一案由

趙恭毅公自治官書類集卷之十四

長沙何祖柱菟軒

批詳

戶政類

批藩司詳覆醴陵楊介濫派由

楊朝鳳違禁喪心肆行無忌雖贖款供証已確而不經
賈訊益滋狡口又據詳於彼案從重歸結但贓至一千
八百餘兩撥之彼案孰爲輕重仰二該司會同驛糧道
立提楊朝鳳與里民各盡提究確供應否另行恭追連

自治官書類集卷之十四 批詳 醴令爲訊 吳各案 一 長沙何祖柱

招解詳明核奪併封貯倉穀百有餘石及周子莽告發
案卷俱卽查明一併入招又該縣衙門經承冗役雜弊
虐民已非一日案內有名人犯逐一提訊湘邑距府甚
近而官役貪橫幾無三尺該司道留心吏治務必加意
清楚毋任縣官一手障天使奸胥牢占三窟餘候另檄
行繳

批藩司詳吳方谷告案由

吳方谷不告於蔣令在任之時而告於蔣令被擯之後
誠屬不應但上司不能察吏於平時而徒責小民不應

控弊於事後亦非理法之平據該司詳稱蔣令倉穀現虧三千五百餘石其四十三年報借倉穀已經署令查明皆係捏名借給則三十六年運粵發賣亦情之所有是方谷等所控已不爲虛應毋庸議又據該府前詳稱蕭子才等久懸衙門要非善類仰卽飭州責革繳

批臬司詳雷際成控東安令私置法馬由

仰提蔣貴恒等解訊據詳東安法馬重二兩者重四分子一兩者重二分六錢者重一分半是卽該縣重法之明証矣雖稱一錢者與司法相同而其餘法馬異同輕重

並未聲明該司又稱司法用久不無磨銛縣法亦無過
重之處豈該司止用二兩三兩及六錢之法以致磨銛
其餘法馬俱置不用乎恐不肖州縣私置重法者皆得
效尤藉口上司將何以繩之殊非肅紀整奸之意再查
明確議詳奪繳

批藩司詳覆零祁東三縣屯糧混編里甲苛索由
據詳零祁東三縣濫設書差各役每年勒索至二千餘
金屯民受累二十餘年嗟此窮黎幾何皮骨從前官吏
是何肺腸甚堪痛恨如詳均飭勒石永禁其零陵縣概

書改爲二名東安縣差役改爲一名衡永郴道衙門人役何以竟不議及應照府詳移查確覆核示遵行至零陵每鄉分作十區似但易去甲名廢猶不廢應否飭令各鄉按糧多寡就近編區不必額定每鄉十區之數以絕一當九空之弊根又祁陽十三所東安三里果否便民仰速檄查妥議詳奪併通飭裁併各州縣一體嚴查速報查該府旣稱府廳原無用夜役之例用之實爲僭越何得又稱府廳欲需此役聽其自僱殊屬互異嗣後府廳夜役嚴行禁止併不得假稱自僱以辨等威并東

安雜派倪得大等供去年七月梁令始裁則從前濫派可知葛陳二令已經離任梁令註冊候劾繳

批藩司詳邵陽縣俸工銀兩報府換文轉解由

該府經承不據文轉報而換文轉解尙稱委無情弊此在未曾身任縣官者不妨姑作此語而可以此欺縣令起家之巡撫乎若以該縣回復之文爲據世無覺察府役情弊之縣官是不徒欺上司而且縱奸胥矣當此澄清吏治之時猶朕上下通同借端苛索不盡驅屬員爲貪吏不足饜羣蠹之望也仰卽提換文之正身經承解

訊繳

批衡州府詳冊書寧爾判等造冊派費由

據該府訊寧爾判供並沒有得王啟祥一分一厘是矣
何以又供王啟祥向小的討銀子既未得銀而又供銀
子費了那裏有得退還此處是否悖謬又訊陳永昌供
只該一半與寧爾判八錢銀子而爾判亦供得了他七
錢銀子一雙鞋作一錢但半區尙索八錢而全區謂非
一兩六錢此處是否悖謬該府同城事事漫無覺察及
提犯發審復任狡供情節互異便爾率轉殊屬徇縱仰

再嚴究確供報奪其餘既無告証雖摘提別區亦不過糊塗草結毋庸又煩案牘繳

批藩司詳沅陵民李天衢等請另立新理由

湖南小戶另立里甲一案康熙三十五年奉文通行三十六年造冊達部時經一載李天衢等何竟若罔聞乃至今猶請出甲詭稱邊界不知殊屬捏飾若據以咨部則當日悖

旨阻撓之大戶豈得竟置不問仰司飭查大戶是何豪強欺凌有何憑據嚴提確訊究擬詳奪至魏光綬等復

里則在三十五年之前何得混按爲例況此端一開效
尤蜂起不至人自爲戶其勢不止版籍紛更將何底極
仍候督部院批示繳

批長沙府詳趙擎一控陳輝侯開克歇保私派由
趙擎一以一石七斗之糧除正項外勒派雜費每石至
四兩有奇民不堪命於斯已極雖係從來舊例而陳輝
侯乃敢大膽稟縣被縣官亦竟代爲差追不知何以配
居民上但趙擎一與陳輝侯同當里役誣爲歇保駕題
越控率累多人殊爲刁訟仰府飭縣將陳輝侯趙擎一

各重責三十板枷號半月以爲私派誣告之戒該府與
署令縱派失察均難辭咎念在 赦前姑免議敘

批藩司詳李俊等條陳濫派各款由

湖南吏治大壞官串棍以私徵棍指官以分搜虎翼狼
貪吮膏吸髓上下通同視爲几肉刊書刻項奉若明文
不謂楚南荒微別有天地究之州縣剝削豈盡肥囊雙
手逢迎通身罪孽一時狼狽轉眼反戈李億今日之控
是也倖邀 恩赦不盡浚求但以收漕一事言之據伍
令既詳稱石民稅收耗米因計徵各費銀五分查該

縣民糧二萬四千七百六十九石則是徵耗米九百九十石零徵費銀一千三百三十八兩零該縣距岳水次甚近其費用應較別縣減省卽照上年例亦止應收耗米八百七石五斗銀九百六十八兩九錢耳況該縣原有里納腳米二百五十二石零則共徵米一千二百四十三石此多徵米四百三十五石銀二百六十九兩作何着落是否侵蝕該府竟置不問成何識法雖曰事在上諭以前應免察究但目今漕政伊始若舊弊以爲應然則新漕又將援例不幾負該縣所稱上年司道嚴革

規例之盛心乎仰該司會同驛糧道嚴加確訊併酌定
本年漕例毋使食墨效尤翻笑上司聲噴至江潭魚箔
從前雖報無徵但據彭昌升供現今有人營業取魚業
戶承認甘結舛容漏報借以補項及匠班不得派徵卽
如詳飭遵俟詳到一併核奪繳

批衡州府詳衡陽縣重戕加耗由

查梁良瓊等原供櫃戕比司法暗加二分又櫃戕一兩
一錢三分彈上票銀一兩司法卽有一兩一錢五分皆
指櫃戕而言並無民戕之說前檄開載甚明今該府易

其供爲民戥加一零五比司法大五分又民戥一兩一錢五分纔彈票上一兩該府雖經詰問怎麼還說民戥一語但既知民戥與櫃戥不同又不究明櫃戥確供糊塗詳結是明開該縣詭卸之端矣該府既失察於前及今發審又草率混詳殊屬不合仰再嚴行確訊併取櫃戥詳送驗奪繳

批道州詳歸併寧遠衛屯糧私派由

舍總旗甲卽屯總催頭之別名私派剿軍皆此輩爲之崇也該州既禁革陋規仰將此種名色併行革除以杜

將來復起派端俟詳到批示一體勒禁併開屯田花名送查繳

批攸縣賣屯糧花名冊

查從前私派俱由催辦據詳每年股頭挨次催辦則該縣仍覈法私派明矣又冊內止列花名糧數不將田畝數目開明該縣漫不經心一任草率朦混殊屬不合仰將股頭屯總名目盡行革除嗣後通甲滾催不必分股仍責令經承開註銀數另冊送查繳

批長沙府詳鍾嘉瑾控文兆智指官苛派由

湖南食墨成風上年既經禁革而附近長沙之寧鄉尚敢一派再派無論五月卽二三月獨非私派乎該府既無表率於前又無覺察於後及據告批發自應執法嚴究乃猶處處模糊椿椿脫卸豈該府爲庇貪之魁而本都院亦爲縱貪之首乎卽如二月派銀四百餘兩三月派銀三百八十餘兩文兆智雖供不是經營而經營必有其人此處何以不問據楊以智供因紅苗一案差使往來各里公議兩次派銀還縣等語但紅苗一案有何差使累及寧鄉費銀七百七十餘兩且一事再派有無

此理此處何以不問據郭勝昭供上年百總供辦公事
借本官銀一千多兩今年出票催還等語其因何公事
百總某某所借及借銀一千若干此處何以不問至收
耗拆封自屬無憑易於出脫但該府又稱本年已奉藩
司頒有法碼查該司上年莅任何以本年又頒法碼是
否上年法碼爲不可用又里下包當驛遞百總承值差
徧明係私派此處何以不問三百六十七兩旣爲派款
則併二三月所派銀七百八十餘兩俱屬賍私應否究
追此處何以不問承辦若此止知有屬官不知有

功介何况上司無怪貪厲之全無忌憚也仰布政司會同按察司驛鹽糧道嚴提究擬解報奪繳

批藩司詳陳以備告陳元生濫派由

陳元生等指官苛斂魚肉窮民每糧一石派銀至二兩之多真是天昏地暗髓竭膏枯據陳以儒等控稱因十年止支用四千八百餘兩而府審各犯約畧諸款項止費二千餘兩其餘但以俱係公用登記簿內竟爲抹煞夫公用何事登簿何項承問不敢過問想亦分潤已多難於詰詰乎第一則曰非加派卽則曰井中飽既有染

指之上司似無中飽之餘地乃以此爲非加派不知如何而後爲加派也若爲郡守公然敢作此語則其肆無忌憚平日之婪賍流毒概可見矣若非倖邀

恩赦立叅猶爲恨晚此案已閱五月尙如此朦朧塞責若再令查詳必至年終不結此等知府亦何必更令承辦仰速提陳元生等解轅訊奪繳

批黔陽縣詳禁革私派由

據詳力減加耗是矣又稱革除解費雜費而不遵

上諭盡革私徵此何心也該縣私徵果否止此二端此

外有無革除沅江至今齒冷毋得又肆欺罔聽言觀行
實有前鑒仰辰沅靖道確查報繳

批藩司詳歐康安告訪究貪虐山

據詳張令在任五載告賍蠹蠹雖口湖南陋習然不意
貪黷無忌一至如此無論王法不畏恐亦平旦全無
本應立即糾處置之顯僂姑以

上諭以前暫遲自簡仰將劣蹟註冊候叅其某某各責
三十板俱革役某違例攬收併責三十板永不許再應
里長所有在庫餘銀二百兩速提解發長善二縣修建

諭旨碑亭公用餘如詳行繳

批長善二縣會詳葉大綠控濫派各款由

審據經承供吐該縣徵收錢糧重耗加費贓私累累不職已極從前銅弊湖南比比皆然猶可仰邀

諭旨暫從寬典至碾米一項據經承何襄供派費餘存二百一十兩又賣浸濕米得價六百五十五兩此項何容侵蝕所當嚴追入官公用餘款俱未有確據姑不深求巡檢既婪得朱茂華銀共一百八十兩而茂華並不作証自難懸坐惟是富庶延壽二國何故撥給巡檢仍

照舊改正仰飭取遵依報查繳

批衡永郴道詳吳叔度呈碾米濫派由

該縣碾米一千九百三十石卽照米價派銀買運何至
遠派二千二百兩致有千金之浮數若云水浸又須買
補豈預知水發而先爲多派以待乎至以一千三百兩
所買之米而發賣止得銀一百五十兩更屬不經况既
派二千二百兩而止收一千四百兩其餘未收六百兩
係何里甲因何停止有無憑據仰該道俟撫苗事竣訊
奪繳

批臬司詳龍九舉控夏光白派斂雜費由

貪官橫派又有一班棍蠹紳衿黨虐分肥民困日淡民
冤莫愬豈意

聖明在御乃見豺虎公行總以倖邀

恩諭得從漏網然而國法可逃天誅難免龍九舉等
首贓一百七十兩仰行縣緝追限十日內完解發賑餘
如詳發落益陽縣聽棍指使擅請銷案不容司府一審
徇庇極矣仰記過一次繳

批沅陵縣詳每里一人領單滾催由

單頭害民本都院已經嚴行禁革何以該縣竟抗不遵
乃稱每里着一人領單滾催原無別的使費此真不知
艱難之語夫滾單之法原以欠多者爲催首完則以次
挾催並無一人領催之例據稱令各里戶首責以通年
催納正賦則是一人輪役一年與現年里長何異彼豪
強大戶官法尚且不懼豈藐爾單頭所可催其辦公以
大戶不完而責比單頭一年之內皮肉盡於敲扑脂膏
壓於虎狼如魯一昌供稱本身錢糧都是全完欠的都
是大戶聞及此言殊爲痛心而該縣反咎其多事亦大

謬矣姑以到任未久從寬免究仰布政司嚴飭速將單頭名目立即禁革如有頑戶抗糧不遵滾單完納差役拘提究比務勒全完敢仍妄立單頭致滋苦累定以不職糾叅繳

批綏寧縣詳未完捐耗藩司將批解餉銀扣除由該縣既收加一之耗而藉稱法輕欲授八分之例殊屬妄誕且該縣於公事不勝吝惜何獨於黃珍忽尔慷慨乃更圖開銷正項冒破帑金一詳再詳真堪痛恨仰布政司嚴飭行繳

批藩臬二司詳銅鼓衛蠹何天寵等作弊害民由
該升當此釐剔積弊之時尚敢沿襲雜派看邊名目誠
爲愍不畏死卽云不收火耗藉派完公而看邊一項明
係入己至出借倉穀每石加利一斗奉何定例卽各
照追覓該地方公用併將經承責革劉起仁倡首包攬
重杖難免何天寵所得老人銀兩追領仍行責革周之
楨違禁營私註冊候劾有無隱匿苗情候撤行辰沅靖
道查奪繳該衛徵收錢糧因何不用印票併移都使司
查取失察職名報叅繳

批藩臬二司詳劉令濫設排長由

該縣劣蹟本都院訪問既確而該司道絕不肯據實揭
報今雖以排長一事勉爲搪塞而又稱劉溥素亦廉潔
自愛不知其廉潔者何在若如此而尙可爲廉潔則百
姓何樂有此廉潔之官必如此而後可爲廉潔則屬員
何樂不爲劉溥之官二該司以揭爲薦直是有心僞美
本都院亦非有耳無目豈能一任欺朦仰速開報劣蹟
通詳請叅毋謂巡撫真正聾聵也繳

批澈浦詳滾單催徵勒石永遵由

滾單一法民不擾而課易完實力奉行自臻成效據紳士耆民呈稱三十八里編一十三都禁革里排剔除保戶分設滾單便民輸將省民虛費額請勒石永遵良法等語仰即捐貲勒石以定章程以垂久遠繳

批衡州府詳安仁馮令私派由

湖南私派從前無論矣本都院莅任之初恪遵

諭旨嚴行禁革而該縣依然大膽恣派虐民豈知竟有今日耶查解費腳價等項原有火耗足以克用若竟取給於私派則馮博所收重耗豈得盡入貪囊仰該府卽

訊該縣二年所費幾何實收火耗幾何除耗銀供費外
果否不敷幾何逐一據實詳明查奪至藉災派銀一百
五十兩已於正月十七日檄府一併追完貯庫克地方
公用詳內竟不敘此檄仍混稱給發里民是何緣故此
檄曾否到府該承因何刪減仍確查究報繳

批藩司詳零陵縣改里書為排長山

種種陋弊皆由巡撫查出豈

朝廷設立知府專為通同朦蔽之計乎及經提訊知縣
恐真情畢露又賄囑排長解役一併脫逃以減其口誠

巧而譎矣但原供具在欲蓋彌彰 國法森嚴毋容倖免繳

批藩司詳桃源縣派鹽勒穀由

桃源縣散鹽易穀大千 功令供証俱明無所辭咎惟是該府詳稱四十三年往桃源縣盤查倉穀彼時已奉文散給窮民一半在倉實有三千四百石亦已具結在案等語查四十三年二月內本都院通檄各府州親臨所屬將倉穀盤量如果實貯在倉卽出結賣司一面飭令各屬將存倉穀照例借給一半毋得指稱出借托詞

該卸併檄該司轉飭該府必魯寓目行知所屬今該縣虧空甚多不候盤查擅以出借掩其虧空而該府通同欺隱不敢盤量竟以半借指爲全有且該府知有借給一半之奉文抹煞盤量後照例出借之奉文目中尙知有上司乎况該府結稱存倉穀六千九百石而今詳稱存倉穀實有三千四百石則此外三千五百石之穀該府已自認爲烏有矣有無徇庇是否失察何以竟置不問又買鹽必有水程今二千二百包之鹽曾否領給水程鹽道有疏鹽之責官賣私鹽有無徇庇是否失察何

以竟置不問仰驛鹽道會訊明確併行常德府嚴查情
弊併提戴士玉及管穀經承訊明詳奪繳

批藩司詳謝世測等加荒派費由

仰照另檄併飭長沙府嚴審情弊定擬詳叅訊據袁効
蓬供上則荒田缺額必問上則田人要中下則荒田缺
額必問中下則田人要其爲加荒甚明該府乃稱報墾
並無喻乾元等八戶開報分厘殊屬憤憤且今日無荒
而有荒必致將來無墾而壓墾寧民固受無田之賠累
而巡撫藩司何辭以免墮地獄耶又據袁効蓬供奉布

政司發式要造送各花名原額荒田數目務與原額無
虧是該司經承明設陷弄以恣網羅前檄所爲清田裕
國之舉反墮舞文飽橐之計者非無見也且既發式造
荒何以又不報明巡撫豈巡撫不應與聞此事耶所發
何式所遵何因卽飭該管正身經承實案赴轅查訊繳
批臬司詳雷際成控駱乘蛟濫派一案由

此案據該二司會詳供詞確鑿但以未據審解且期逼
封印不復草率批結是以發回併飭提究出銀買供是
否虛實另行詳報今忽稱原呈証佐無一人解到明係

該縣賄匿藐法極矣該府庇縣混覆該司不察情弊據以率轉似此上下扶同執法之謂何仰速提原解究比併取承審徇延職各詳叅繳

批衡州府詳劉劾武控劉梅等勒包差費由

據李瑞供稱差是伍應標則伍應標明有其人何以該縣敢稱並無此等名姓而該府雖據李瑞之供亦姑置伍應標於不問則府縣之通同欺飾可知尚冀其執法剖斷乎仰即着李瑞勒要伍應標併提該縣捏詳並無伍應標之經承及四十三年甲首劉帝臣解訊繳

批藩臬二司詳澧州蠹役周元章等重耗由

據詳每兩連戩子重一分共完八錢七分除加一分之外多收三分八厘之耗但以一兩而止完八錢七分除去八分七厘是否果多收三分八厘借穀每戶止給五斗應有四千票何得混稱四百票若以四千票而止供二十五張票僅以二百五十文了此一欸是否輕爲出脫張之傑既供牙行二百餘戶而硃票止九十戶是否張之傑誣告抑或催稅不止一單均未查究明確該司既審實曾景濂失察衙役犯賄及多收稅銀收受給帖

禮銀而止以照追入官草率定案果係遵何條例仰再
嚴訊確核詳奪繳

批臬司詳高正清等控洪運炳派費由

此案可以率結不過因高正清不認具呈而楊之鳳逃
匿無踪耳但陳鳳萬供楊之鳳是本衛右所千百戶人
於李衛官任內做過糧房歸了農的現有叔子楊君弘
兄弟楊凌雲等語則楊之鳳應問該弁勒提而楊君弘
楊凌雲所當嚴拘跟究者也今並不行該衛查提而詭
稱楊凌雲們出門貿易則縱放三犯以爲出脫亦已可

見又據陳鳳萬供由票只有糧數不寫銀子的如但寫有銀數則所告是虛若果只寫糧數則派費是真此又一目了然片言可折而竟不提由票一驗是果何故似此草率圖結何以服曉曉之口仰卽行該衛勒提原做糧房楊之鳳併嚴拿楊若弘等解較究訊仍着張文宰等將四十六年完糧由票實驗核奪毋任奸蠹抗延繳批衡州府詳覆各屬設立滾單由

滾單陽奉陰違名存實異如衡陽縣之催頭卽一年之單頭與現年里長無異不知忝爲司牧何以聽蠹撥置

一至於此前經查出業提經承重懲矣知府縱屬殃民
巡撫亦鞭長不及惟有發覺之日將知府與州縣一併
叅處而老巡撫亦自認葬贖之咎已耳仰再嚴行通飭
毋許捏欺繳

批長沙府詳湯彥宗控王同文等私收保穀由
王同文等如詳嚴飭驅逐取依結報查嗣後如因循陋
弊一經發覺即將該府縣一併嚴叅其湯彥宗等果否
抗欠南糧倉穀併飭查明報奪繳

批嘉禾縣詳革除里長各款由

湖南積弊首在私派而私派之害總在里長該縣痛切詳陳字字洞悉又清造業主花戶田畝實徵款冊剔除民累併禁保家可謂拔本塞源矣仰速實力舉行如有豪強矜棍敢肆阻撓卽指名詳究嚴加懲處其民間買賣田畝如詳稅契便與更名俟五年一准收除毋得逐年開過以杜混擾至更名收除俱責成殷實老練里書專管其事仍嚴飭小心奉法不必多立戶書朦混舞弊該縣果能畱心民瘼斯爲不愧司牧循良之選端有歸矣望切望切徵

批藩臬二司詳李其輶訴沈曾成濫派出

李其輶所控重耗等項據審並未全虛沈介循襲陋弊
罔畏嚴綸知府之徇庇毋論矣巡撫亦漫無訪察雖
該合別案革職俾免繁究覽茲讞牘猶覺汗顏奚暇責
告詳之爲非乎李其輶朦請給胡紹虞印照又抗不赴
縣質訊已經重懲雷金生等既與李其輶各有隱糧應
照例治罪其隱糧務查戶內各業主以得實在所隱之
糧毋僅以籠統浮詞草率定案胡紹虞既除額內糧五
石則自四十一年起俱應按數退出給還代賠收領又

優免紳衿一丁既係免徵何以又稱此銀爲有徵無解
如有徵是實則已浮於應徵之額且貢生二錢生員一
錢亦與各免一丁之例不符併查明報奪雷金生既自
到府有無扯冊何以並不一訊李弘任於兩府會審供
認收王天章們夫價銀三兩四錢甚明與李兆得劉志
真銀一兩四錢俱各責革追贓修城條如詳行繳

批衡陽縣詳胡忠生控蔡奇生等欺官剝民由

蔡奇生以完作欠出票混催曹璋私收餉銀致累重完
張老四白役承票藉端勒索種種不法知縣之昏庸無

論矣不知同城更有知府否至票差協同花子催糧登
門索詐擾害已極該司職任旬宣亦宜稍爲覺察仰布
政司卽轉飭衡通判將蔡奇生等枷號衡陽縣前示衆
三個月滿釋仍照重完餉銀追出給主取領報至滾單
仍着單頭催完何爲滾單且單頭久經禁革何故陽奉
陰違一併查報繳

批澧州詳張之傑等控告各款請究刁誣由

不必論原呈之是奸是良但常問告款之或虛或實若
以蠶蠟之巡撫而謬稱爲明照其愧已甚又謂數載不

見告發則歷任既久既可肆行無忌試觀今日贓私狼
籍者孰非久而愈猾者乎獄時自有定案何得混詳仰
岳州府飭行繳

批安鄉縣詳徵收錢糧滾單之法由

里差之弊非徒人玩事熟碍於情面而包攬侵蝕皆由
此起本都院已屢檄嚴飭不謂各屬置等弁髦據詳設
立滾單仰卽遵照行而滾單宜用又不獨在逾限之後
也至四月完半九月全完乃協餉定限而非徵輸定限
應改爲上半年五月完半下半年十月全完庶催科不

急民力稍紓繳

批司道會詳易成週等控文兆智等濫派由

救後私派列款該司道並不覈加究訊止憑府看操轉
則凡事俱應以知府爲主而會審之批殊屬具文該縣
安得不視知府爲司障天而該府又安得不視上司爲
願指也仰飭提各犯解轅訊奪其擅寫頒法之經承既
無姓名又不革役庇玩殊甚一併解究繳

批辰州府詳向修道控舒吾文私派由

向修道告稱舒吾文私派蠟蠟該府俱審爲莫須有何

自治官書 卷五 批詳 是地 向修道 蠟蠟 三 襄 襄 襄

以不將向修道告虛之處一爲議擬是舒吾文之橫派
未必盡無而該府之曲庇已屬難掩仰再確查定擬詳
奪繳

批藩司詳衡陽縣因頑戶沉擱滾單偶行罰催由
知府通同朦蔽一紙空文亦歸無用且單頭久經禁革
豈至今日而始取遵依耶嗣後如有發覺惟以白簡從
事該管上司一併嚴參繳

批藩臬二司詳駱乘蛟由

駱乘蛟鄧之柱於考職後復入衙門經營錢糧自認情

真應照例杖一百徒三年二該司並未審出殊屬徇縱
蔣君仰既認係僭倉穀其爲積保甚明照律妄稱主保
名色生事擾民者准徒二年蔣君仰又依常人盜倉庫
律徒二年半二罪俱發以重論情罪可惡不准收贖其
所得蔣芳伯銀三兩派船費銀四兩娶媳銀十兩又侵
吞退平銀三十九兩俱照追入官鄭之禮等私收重耗
各責三十板枷號一月革役其派十鄉規例銀五十兩
照追給主蔣貴恒等又訐控王調元等代該縣轉央賀
文許銀五十兩現交銀十兩囑伊等勿供實情而蔣貴

恒供銀子交與小的與毛時可唐棟發三人是毛時可收的後四十兩是賀文擔承等語甚爲鑿鑿如所告得實則例載以財行求與受財人同科梁令應杖一百流二千五百里今審不惟王調元等極口稱枉而蔣貴恒供十兩銀子已還飯錢且賀文與蔣貴恒作當之執照又稱贖去則所告是虛蔣貴恒無祿人減一等杖一百徒三年誣告加三等應杖一百僉妻流三千里爲從之唐棟發等各減一等杖一百徒三年唐京召毆差搶票責四十板枷示兩個月免其律擬唐忠久踞衙門招搖

奏事責三十板指示一個月仍革役至梁令多收耗銀
本部院已於四十四年正月曉示該縣花戶本年應輸
正餉每兩止許納耗五分併檄該司將該縣應追每兩
多收耗銀五分勒追解庫以作本年捐耗五分之數但
四十四年捐耗陸續停止則此銀原係抵耗似毋庸復
追如梁令四十四年收耗不止五分卽查明多收若干
照追補項餘並如詳行繳

批岳州府詳先經呈報差役柳才等催取老人冊

結出

卽奉批查何至將並無舛錯之州縣通行查造况此案已據詳覆送有冊結又取職名併催冊結豈冊結一送必須再送而詳覆者一巡撫送職名叅處者又有一巡撫乎指上司以虐下屬縱蠹役而剝窮民恐數老人之糲棉米肉不足供虎狼之磨牙張吻也本都院一官傳舍席不圓暖第目擊吏治如此民生如此實愧且恨該府但知胥役爲應庇惜絕不念蔭屋之無可告愬五馬仁風果如是乎仰布政司查明前批速提解究繳

批辰沅道詳吏目潘光燧托情領銀買備礮米由

湖南私派虐民總由貪官蠹役以一派十羣制分肥窮
黎伙恨莫可控訴卽此一案也以碾米二千二百九十
五石六斗而混開買米三千二百石派銀三千三百五
兩六錢又動四十年水腳三百五十兩且以三千二百
石之米而混開止賣出二千六百九十石變銀八百四
兩零其無端冒銷任意侵蝕情弊顯然姑未深究但據
濟光燬供本州發銀三千八十四兩則三千三百五兩
該州已私扣銀二百二十兩矣光燬雖故其紙上之口
詞可據也又據趙開明等供發的銀子只有九二三何

以冊開原領係九色銀水此處已暗虧銀九十九兩并
據趙開明等供買米是紋銀每石六錢四五分不等何
以冊開買米每石紋銀六錢六七分不等此處又目銷
銀六十六兩供冊彼此互異顯係捏造開銷該州之隙
混無論矣該道出心釐剔何難一核了然而乃依樣遷
轉殊爲草率卽卽遵照嚴查將私扣暗虧目銷等銀共
三百八十五兩七錢分別究追解轅給發長沙善化二
縣飭逮李忠節劉御史兩祠公用如再抗延卽據實詳
奏繳

批辰州府詳覆沅江吳令在任時有養廉銀二千

兩山

吳瑋調任黔陽謁見時極口稱前在沅江並無分毫雜
派本都院卽面加嘆賞迨後訪知吳令沅江任內雜派
頗多不勝聽言觀行之慨及見趙令詳稱該縣歷有公
費二千兩則吳令所稱虛妄更有明証是以檄行該府
會同常德府確查吳瑋欺飾情由併作何支銷非咎既
往之貪實懲今日之詐也今常德府並不查吳令之欺
飾與支銷而反疊催趙令代爲登荅殊屬悖謬又據吳

瑋稱未有稟稱並無分厘雜派之語而該府不行確查
卽爲據轉是本都院年老不聰枉忠信爲欺詐屈廉隅
爲貪污矣卽當記大過一次仰併移行知照存案黔陽
再犯惟該府是問繳

批衡州府詳覆劉六皆控嚴青等勒派出

據該署府看尾既稱徐文可縣審未到府審無人而看
內又稱徐文可等供並無私派及徐文可唆告害人一
杖難辭等語以未到官之犯而卽稱取供卽擬罪名殊
屬怪誕大約四月十六新府將到署官借篆徇情惟任

幕客經承通同完案其倉皇惡遽之狀宛然可掬該署
府亦不暇寓目又安知其前後之矛盾言詞之錯謬一
至於此也似此濫案如何訊據仰新任該府詳加確審
嚴提徐文可到案一併究解繳此批併抄移原署府知
照飭行

批寶慶府同知詳解新寧縣經承陳超凡由

陳超凡以一年私派而改作半年刁詭極矣卽以征苗
解餉用夫言之據供是該縣柴薪銀扣出用的試思縣
官往衡山尚派銀八十兩衙役束房亦派銀二十兩而

謂縣官以應得之柴薪克夫役之公費有是理乎本部
院前曾面訊已供明是里下出的今向該廳又作此語
不過欲掩下半年之私派耳况柴薪已交一半則派費
決不止半年至本年廣西提督於正月初四旋師豈有
元旦便派銀收銀之理而亦借此爲詞更將誰欺又據
稱今年柴薪奉革又沒有火耗等語但

皇朝恩養百官原不令其餐風吸露既無火耗先有私
派該廳聽信里棍巧爲出脫是何識法仰再嚴行確訊
直窮到底限二日內詳奪毋得瞻徇併干大咎繳

批辰州府詳覆黔陽縣勻糧當差由

查單頭卽現年里長之別名本都院已經出示禁革該縣何以抗不遵依且現據署衡陽縣詳陳單頭之害嚴批勒石永禁矣革單頭而各輸各糧雖不均甲亦可也若均甲而仍用單頭無以異乎九空一當之苛政也仰該府確查單頭之設因何而起均甲仍用單頭果否無害於民務必嚴究弊端不得以行縣一查便可塞責併飭經承賁前發禁革單頭之示呈驗訊奪繳

批寶慶府同知詳解新寧縣經承陳超凡等候訊由

湖南私派橫行民生極困

皇上軫念遠氓特頒

諭旨盡革私徵而又以官無養廉則貪可藉口故量酌
火耗以爲各官交際日用之需以杜貪官橫徵暴斂之
念 恩至渥也本都院稟奉 綸音諄切誥誠而且茹
荼率屬與相感悟勉作循良誠爲至願乃寶慶一府私
派銅習牢不可破而且巧借無火耗之名色以蓋其有
私派之賍私不知耗少派多豈有願多不願少之百姓
耳奉金錢總由取多不取少之貪官求盈豁堅而且豪

強利私派之優免恐火耗難以徧饒棍蠹剝私派之烹
肥恐火耗無從分潤所以上下勾連逡巡如鶩弁髦

功令觸網如飴豈特全無心肝抑且有覷面目卽如新
軍當三令五申之時尚爲頭會箕斂之計種種浮費件
件剝民他不具論百進而每年派銀六百兩收頭而每
年派銀八十兩催差而每年派銀一百五十兩此八百
三十兩之銀出自何名竭閭閻之脂膏供里棍之吮吸
新寧尚有知縣乎寶慶尚有知府乎然知縣斷不敢問
也不私派則赴衡安得有八十兩知府亦斷不敢問也

不私派則解餉安得有驗平似此一府一縣克類至盡
恐不堪言立即題參猶爲恨晚至於該同知承辦甚屬
含糊既稱上年廣西官兵夫價不敢派何以今年廣西
回師夫價則又派既稱以後公事總不許派何以連本
縣應捐的各項銀子則又派同時捏供不顧矛盾並不
竊詰顯有瞻徇仰冀慶府立訊各犯嚴究情弊據實詳
參毋稍諱匿併將該廳所議是否可行妥議詳奪其百
通收頭催差匪銀八百三十兩勒追解交藩庫抵充上
年軍需補項限十日內完報毋任玩延干咎緘

批寶慶府詳陳元生控雜派由

先據該同知詳據陳元生供縣官柴薪百通收頭催差
飯食共一千六百三十兩還有零星用銀一千三百兩
都有簿子登着等語今其簿現載該縣往衡山派銀八
十兩甚明而該縣不查原詳竟以簿上八十兩之數混
入柴薪之內則簿上所開八十兩不又冒銷乎據此一
節則該府承審之糊塗可見矣里棍種種蔑法橫行幾
於目無三尺祇以事在未宣

諭旨以前猶可從寬免究其該縣併所屬嗣後作何按

糧收耗永禁私派該府務須明白詳議嚴飭遵行毋得
仍蹈故轍欺飾上司致干叅處餘如詳俱發縣追解補
項繳

批長益二合會詳武岡州魯士明控王天佑私派山
據詳王天佑供私派銀兩自四十一年七月起至四十
二年三月止公捐支完等語是二該縣竟在援赦出
脫矣然獨不聞赦罪不赦贓之定例乎諸欵他不具論
卽如王天佑所供取過銀五千八百餘兩作何支銷有
無冊簿總無一語問及豈五千八百餘兩之贓竟悉蠹

役一力開除置法律於灰燼乎又據供以後公務都是該州捐賠夫四十一年七月至四十二年三月已私派銀五千八百餘兩則四十二年四月至年終所需亦必得數千餘兩今日有肯賠數千餘兩之州縣乎二該縣以此自欺則可以此欺人亦太見其妄矣似此徇縱徒知市恩罔顧茂法不知是何主意仰再會同執法嚴審定擬究追解轅覆奪如仍率混一併叅處繳

批長沙益陽二縣會詳曾士明等告案山

該州沿襲陋規橫行私派一年所費幾半正供及至告

發積蓄經承乃敢捏稱三月停止希圖援 赦免罪二
該縣亦並不嚴究扶同出脫自因狐兔關情豈是無端
狗庇仰布政司會同按察司嚴訊確供定擬詳解至寶
慶屬員蔑視 功令婪賄害民被訐纍纍不知該府所
司何事併取職名報參繳

批嘉禾縣詳禁革條議勒石由

據詳私派革盡請勒石以垂奕禩但

聖諭煌煌久豎碑亭有司遵奉弗違不勝他碑萬萬耶
若吏不畏法上下交誼片石不能語未必貪墨顧此革

心也繳

批岳常道詳革本衙門年終更換修理由

據詳州縣衛名爲捐俸實派里甲浚悉湖南銅弊矣該道遵

旨愛民盡行簡革其見潔已實心但該道有表率之責倘能正已及人偏加釐剔是尤所望於賢監司之風力也仰布政司亟移獎屬併抄詳知照各道一體勉遵繳批糧道詳黎方伯刁控私派由

私派久奉嚴綸禁革該州因何違禁巧立名目恣意

由常事書卷古批詳衙門批詳卷三懷策堂

橫行該道訪聞既確又因何不卽詳揭但以虛文飭查致滋曉費仰布政司會同按察司嚴查實款速卽報參繳

批寶慶府詳新寧縣革除雜派由

加耗不許多增誠爲恪遵功令但收耗有額州縣不能不量入而爲出豈苛求無藝上司竟可不推已而度人倘縣令非復前此之縣令而上司猶夫昔日之上司一紙空文究有何益仰布政司通行嚴飭務使州縣可以遵依如有故違一體參處繳

批沅江縣詳覆現年糧戶由

據詳每都各出一甲首爲糧戶謂之現年糧戶則糧戶
卽現年矣又稱公捐一項係五都糧戶自行捐備通年
輸應均有一次則卽是九空一當矣從前該縣每年私
派二千兩卽此現年五人爲食令科斂耳該縣既革私
派仍存現年此輩假公濟私該縣亦去名存實豈欲仍
效前令之故轍乎仰將陳在明正身解訊究奪繳

批新寧縣詳該縣南關外里棍特創局屋請改義

學由

何物里棍敢於開局聽差蠹民肥已據稱局屋兩棟納
污藏垢實爲禍門莫若改私所作公所仰布政司嚴飭
遵行併如詳勒石永禁繳

批桂陽縣詳棚廠等項俱係捐給由

興寧爲已破之旣故不惜直陳四縣抱戢虎之憂故多
方巧飾明明欺隱目中止有一大知州且置功介於
不問何有於頒示刊石哉仰候察實一併叅處繳

批藩司詳成公王控典史許廷珪勒索由

魯一彌身爲縣令以歷倉糧致成公王賣兒鬻婦賠銀

一百一十五兩三錢五分喪心極矣世上不少陞官此則竟非人類仰倍追給還娶妻贖子以爲現在貪殘之倣以免來生孽債之報既於 欽案歸結姑不重科梁之賢如詳責輩該司又請通飭所屬將一應勒報管倉良民人等永行革除可謂仁人利溥矣速取遵依報查彭令如此承讞其居官亦已能見註冊候劾可也許廷珪所得硃價蘭綢併追給主仍候

欽案歸結繳

批藩臬二司會詳澧州蠹役周元章等重耗私派由

多收稅銀坐贓論者原指在倉而言此案多收重耗是
否在櫃該府並不查明遽擬坐贓折半是止知苛斂之
蠹役爲當庇而不知減耗之

諭旨爲當遵矣又稱該州三十六行止有九十戶昨據
該州民全毅侯等告稱津市米行領帖竟至五十二戶
多一行則多一帖已發二該司會同嚴查矣津市一米
行如此以通州計之是不止九十戶該府並不詳查遽
稱止九十戶共收銀十四兩四錢不知以何爲憑乃信
蠹口定愛書也高昇既受贓二兩何以聽其抗不到官

取供似此承讞如何服人仰飭該府查明多收耗銀有無在櫃併全穀侯所控行戶是否實情嚴提高昇到案取供據實定擬詳解核奪繳限一月

批澧州詳奸民全穀侯捏控橫行由

據稱楚南法紀嚴明言之過情聞之增愧卽如該州所云田土俱批木鐸則法紀全弛可知矣尚何嚴明之有仰布政司會同按察司併查報繳

批藩司詳據岳州府詳張之傑等各詞情吊卷併

審由

據府將伍勝高撫三坐誣正法該府承審張之傑何以不能審虛反坐若不論本案之虛實而反究原案之有無則必使巡撫不准一詞小民不開一口而貪污接踵纔博得一聲好巡撫若非蒙面喪心之副都御史決不至此又云換一官來不如今日之守法但知府尚不許巡撫准一詞巡撫又何能換一官且老巡撫待罪已將七載何常據刁民不根之詞輕換一官果有此案速查明通詳願伏天誅該司既據轉報聽該司徑飭遵行繳批衡山縣詳漕項等費作何設施由

據詳廢甲編區而包攬侵漁浮派支那之弊始絕具見
該縣剔弊實心但查詳稱今春以來酌取火耗一錢六
七分以敷其用夫火耗之一錢六七分不爲不重矣該
縣每季所入約一千一百餘兩不爲不多矣卽曰該縣
毫無所取而此一錢六七分之火耗必有用處該縣既
知大法而小廉本都院下車三月只飲署井一杯水法
乎不法乎大法而小不廉是該縣所謂冥頑不靈罔知
顧憚也大法而小廉則此一錢六七分之火耗應減乎
不應減乎該縣旣云據實披瀝並未將四月以後遵奉

上諭作何力減加耗之處明白聲說豈大法而小不廉耶抑或大猶多不法而小亦敢不廉耶違悖諭旨厥罪奚追仰再據實敷陳俾大不法者敬聽而省愆焉毋懼毋隱繳

批藩司詳報巴陵縣原呈裴可太柳斃山

據詳裴可太柳斃巴陵軍民歡聲雷動該司等固有聽聞裴可太夜號不知亦有聽聞否告衙憲而歎歎有餘榮只因本部院解任而歎歎有餘恨願賢方伯教我後之人毋學老巡撫令告臺者含冤縱蠹者竊笑是所厚

望繳

批藩司糧道詳起解錢糧連批州縣編號由

據詳具見該司道畱心釐剔勿謂事屬微細也仰速通行遵照繳

批江華縣詳彭克傳呈請勒石永禁巡哨等弊由私派久經禁革該縣柴薪何以獨勒團民供應且云每日炊爨足用又云寒具恃爲饗殮更云官使不火而食是欲爲湖南官吏謀生非盡復私派不可矣藐法公行上司全無覺察明係通同故縱仰布政司逐一嚴查報繳

大清二字不搥頭併嚴飭行

批麻陽縣詳革除雜派出

據詳剔除陋弊具見新硯更期實心禁革以圖有終繳
批布政司詳尾欠錢糧僉差排年催完由

據該府詳稱隆慶等里每歲尾欠錢糧必須排長催完
誠善爲該介說辭矣但該府訊據楊上之供楊德生當
排長是四十五年的豈有四十四年十一月卽僉催四
十五年之尾欠乎此等情理本屬甚明而該府欲爲該
介遮飾不冒窮詰且又檢點不及故此等供詞不覺又

透出一二自露破綻也總之州縣沿襲陋弊若非上下
扶同豈敢全無忌憚而知府一官尤叢弊殃民之渠魁
也仰候會審事竣提訊究奪繳

批藩司詳龍德燦呈請勒石革弊由

行法在人奉法亦在人若以碑論則

諭旨碑亭非不巋然豎立而橫徵暴斂者肆然無忌使
盡如魯某之作令姜某之爲守愍不畏死雖百碑何益
哉惟院司道潔已察吏賢於片石萬萬矣如詳飭取該
縣遵候報查繳

批藩司詳零陵民楊德生等改里爲排由

該縣改里長爲排長種種陋弊皆由巡撫查出豈

朝廷設立知府專爲通同朦蔽之計乎及經提訊知縣
恐實情畢露又賄囑排長解役一併脫逃以滅其口誠
巧而譎矣但原供具在欲蓋彌彰

國法森嚴毋容倖免繳

批藩司詳桃源縣錢糧酌議甲首督催由

里長現年既革變而爲催頭單頭等名目實卽里長現
年之異名而同害也該縣又易其名曰甲首併請給發

令示是明欲以此爲里長現年應役矣何物大膽縣官
蔑視 功令一至於此仰候 督部院批示繳

批長沙府詳覆催差陳恒于長善二縣催餉由

經承既係陳裴然何以捏改陳恒起解若云該役又填
陳恒名字則批內之名該役或可自填批上之印該役
如何盜用且該府忽有陳恒之經承豈不觸目駭異而
乃敢行批解則陳恒之該管官亦不知胸中爲何等矣
先將召募陳裴然之甘結卽日覈查繳

批藩司詳黔陽縣危誠兄弟主持私派由

吳瑋藐違

諭旨公然濫派且屢次欺飾行不顧言似此劣員僅以
微旨落職殊爲遺憾危誠危謬果於差押櫃頭時遵法
力阻或指弊上陳斯爲好秀才雖破家縣令何畏哉乃
詭譏戶丁危又達承當以見迎合縣官之意及吳瑋不
解事概行派索拂其初懷然後抄單稟縣假公濟私肺
肝已見從輕褫黜已是厚倖何得妄希混復以啟效尤
所交李爾玉收銀十二兩併劉惟先派銀四兩一錢俱
追發沅陵縣修理 文廟陳坤杖革符連玉併陳大叔

候提到發落趙咸詔等通同私派均屬不法趙咸詔發
衡州府張昇之發永州府張科明發寶慶府李爾玉發
岳州府張先玉發常德府各枷示一個月以爲里棍夥
派之戒危濬執票退票私弊顯狀仰行學戒飭三十板
吳瑋江鑑已叅姑免究申極註冊候効其各項私派及
櫃頭名色如詳飭府嚴查禁革黔邑硃砂止一斤六兩
除價銀二十二兩 部費四兩外府縣官胥勒索至數
十兩之多一邑如此辰屬類是其何以堪該司衙門亦
不免染指成何政體速卽出示務盡革除如再犯絲毫

該司亦並登白簡繳

批武陵縣詳李品素告郝教官藉詔詐銀由

李品素所告真則叅官虛則又坐乃稱難定爰書模稜
其說竟以記過責輕輕了局是何識法况據程元隆
詳稱教諭用印訓導置押權職均然則豈有訓導得銀
教諭不得之理且書稱捏贗莊銷者既得銀而出結詳
縣者又不得之理遂銀決無彼此之分控告何有彼此
之別此處竟無二語詎及無怪爰書之難定也郝旋子
既止九歲則李品素所見郝樹公是否卽此九歲之孩

童抑或另有頂肩之詐騙種種朦混俱未明晰仰常德府從公確究務得實情詳奪毋得游移致干駁詰繳

批藩司詳於澧河之南修行宮由

查五月內澧州所請於永定衛備辦行宮彼時尚未

酌定行宮道里之處是以行司查飭今既通檄開明

該州蘭江驛道衙門作行宮一座並無永定字樣乃

岳州府藐不遵依及據州詳混轉豈州衛一江之隔便

應兩設行宮抑明知州衛之貪姑合藉此起派且因

澧州而及永定又因永定而及九谿株連蔓引貽殃兩

自台官書來參旨批詳李品泰咨澧河修行宮

上
製定

衛不識該府州是何肺腸仰嚴飭兩衛於屯地蓋造茶棚一座仍令澧州給發銀三十兩如有纖毫派累屯民卽行差拿究治至澧州將不畏死派辦藥料已批該司會查候叅本都院祇遵

上諭盡革私徵嘔心苦口不啻穎禿唇焦而屬員利慾薰染罔知悛改本都院方愧力微德薄不能振起頑鈍覺悟昏迷今得賢方伯助予釐剔楚南周爨庶其有瘳乎筑筑百萬生靈得所寄託予卽罷斥歸田亦將藉手以慰聖心矣望切望切繳

批銜永郴道詳改委耒陽署介山

耒陽衿棍把持包攬積習已久從前知縣通同派害得以相安實則釀禍稍知釐剔便拂所欲貽張豕突似爲王法所不能加不知何所恃而敢於光天化日之下肆其犯上作亂之膽若必姑徇奸謀則克徒得志由知縣而上俱可任其操縱而將來官斯土者不遁同派害則不能安其身又安望其振肅紀綱興除利弊乎該道府身任地方目擊異變不能立除熬惡以扶體統且從無隻字報聞若置之度外斯亦已矣乃因署令之請遂欲

改批署理以安人心恐衿棍聞之益相鼓掌人心自此
大亂何安之有仰按察司會同布政司速提聚允文等
嚴行究訊照例定擬通詳候 題請盡法重處仍飭該
府密拿餘惡務絕亂萌毋再放達致干併叅併候
督部院批示繳

批藩司糧道詳未陽縣南漕二米照正餉自納由
未陽南漕二米仍前一當九空此硬搥一節固卽斂派
之根也况每石收銀四兩據詳合計僅三兩五錢所徵
浮多自屬私派該縣藐視 功令因循錮習上下扶同

漫無覺察若非偶詰露此一供則此局竟牢不可破又
焉用巡撫爲哉仰速着花戶等補完數按糧分輸仍給
示嚴飭取遵依報查如有抗違立拿究處各州縣并有
此等發覺該司道難辭其咎毋謂巡撫苛以相繩繳

批驛糧道詳據善化縣李之璿呈控沈令南折加

派由

南折不加耗便是好官若併驢脚俱無則通省決無之
事而謂沈令能之乎果於上半年並不加耗下半年因
捐耗而加則止應照捐耗收銀十八兩九錢乃收耗至

三十二兩併補上半年未收而又浮於捐耗之數何前
廉而後貪也且所云下半年每月收耗四分之說亦止
據經承之狡供耳其上半年作何徵收並未確訊卽據
杜啟璿供李實去年五月完了一票沒有耗的李之璿
現在當前何不一訊以定虛實而竟含糊率覆也至李
之璿頂月戶糧捏借倉穀又據沈令供稱今纔借新穀
抵完顯有包攬月支情弊何得畏其攻發而竟置不究
也仰布政司會同驛糧道逐一嚴訊確情詳奪毋得朦
飾致干駁提繳

批平江縣詳賚漕費支用銀米冊由

前據該縣詳稱每石民糧收耗米四升徵各費銀五分以該縣民糧二萬四千七百六十九石計之則是徵耗米九百九十石七斗零徵費銀一千二百三十八兩零今又詳稱共徵銀九百六十八兩零與前數絕不相符若以兩詳較對該縣已多徵銀二百七十兩零米一百八十三石零欲辭多派之咎其誰欺乎且該縣所收每石秋糧額徵米三斗四升內原有里納脚米二百五十石零何故竟行抹煞若以楊柳灣開銷此項則該縣

自清官書 卷五
前詳稱納戶於楊柳灣茅潭嘴二處兌交運戶豈有納戶自交及給與里納米之理種種情弊殊難掩飾仰布政司會同驛糧道查照條陳時弊等事一案批詳一併嚴查報奪繳

批湘陰縣詳資漕費耗米支用冊由

據詳盤纏腳費上年核減每石徵銀一錢二分是矣但該縣距岳甚近尙如此支銷何以處長沙以南之諸縣也若云城下有灘及洞庭風阻則長沙以南諸縣有越該縣超洞庭而北者乎况道府廳衙門胥役之雜費蠲

崇本都院悉已訪聞各州縣詳開不諱乃該縣冊內盡
行抹煞豈若輩與該縣情熟故不需索乎抑該縣以投
鼠忌器故爲隱匿耶或又將衙胥雜費盡月銷於各項
之下巧爲出脫以圖媚竈耶卽此可見居官人品之大
概矣又冊內開里納耗米共九百一十二石一斗並不
開明里納若干耗米若干且支銷各項較別縣甚屬浮
多無怪遠州縣之哂哢也仰再責令經承據實開呈核
奪如仍朦混卽行提訊繳限三日

批衡陽縣詳覆漕項銀米支數由

自治官書

卷五

批詳

衡陽漕項支數

四

襄陵堂

此案既於八月初三日奉到延至二十八日纔覆該縣必以在岳無暇爲辭矣至又一件飭查事既於二十日奉到不過一言回報何以一紙驗文亦至二十八日具覆此中數目不知幾許商量幾許調停不得已而聊且塞責耳據詳消費每石收銀一錢二分又令里長自給每石船脚銀六分則該縣每石竟派至一錢八分矣其浮月多端姑不具論卽以該府常規言之衡屬漕糧七千餘石者該府索銀二百餘兩其七月餘石者該府亦索銀二十四兩豈以該縣漕糧正耗一萬九千餘石而

該府常規止一百三十八兩則該縣必以該府多索之數開銷於別項以爲隱諱矣如此朦誑該縣將欲隻手障天乎又抵通漕脚水脚每石三分各州縣俱照正米筭給獨該縣不分正耗已月銷銀三百六十兩而餘銀修學之說欺飾更甚如此而藉口不敷每石派至一錢八分則多派之咎更將誰諉仰再據實詳報仍令該管正身經承賞覆核奪繳

批臨湘縣詳覆漕項支用銀米各數由

該縣距岳一程亦每石派漕費一錢二分而僱船每石

至二分五厘則長沙以南各州縣應數倍於該縣矣其
他浮冒不問可知至折耗米竟開銷一百五十一石零
明係借名侵吞又里納脚米二百二十三石零如何聽
信膽玩經承一筆抹煞任其中飽該縣新礪如此何以
善後仰卽押該管正身經承據實開報核奪俟通查
完日一併飭究文內俱稱大老爺是何體制郵封又誤
寫照驗併將經承嚴懲報繳

批寧鄉縣詳里納米石支銷由

該縣既有里納米二百六石五斗零又加收耗米三百

五十三石零並非節省加一收耗之意不知奉何明文
及奉行查乃將里納一項縱蠹抹煞再查又任蠹棍混
銷豈真以上司爲聲噴耳總之該縣藐視法紀聽蠹擦
置被訐蠹蠹溺職殊甚仰驛糧道嚴究報繳

批巴陵縣詳漕項支用銀米各款由

前飭查上年徵收漕糧耗費銀米之數檄開甚明李令
私派浮多碍難造報以致遲延今該縣又稱查詢殊屬
藐玩李令現在羈候有何不便查詢收支豈無經承何
故竟不提訊仰岳州府卽飭該縣確查嚴究徵收若干

支用若干侵蝕若干備細造冊由府核明責令該縣正身經承賁投以憑查奪如再朦混仰提該府經承重究繳

批攷縣詳漕項銀米支用由

前據該縣冊開漕糧每米一石徵運費水脚銀一錢二分又於里納米外照正米每石加耗八升以資篩颺八米船戶食米之用共計耗米三百石九斗六升查該縣正四二耗共米六千十九石零以加耗三百石九斗均攤則每石五升耳雖加五升於里納之外而程途較遠

視長沙以北路近之州縣里納米外又加一斗者懸殊
矣本年該縣銀米可否卽照此先行併各州縣銀米卽
照此核筭仰布政司會同驛糧道確查報奪又該縣僉
點糧戶看米殊爲擾累併飭革除毋得故違干咎繳

批瀏陽縣詳資漕規冊由

湖南貪濫成風總由上下狠俱但據冊開各項雖屬漏
飾亦見該縣之巧於居官善於媚世矣姑存候核另奪
繳

批衡陽縣詳漕項銀米支用由

據詳上年奉司道酌議漕費每石一錢二分外又每石給船脚銀六分以正耗米通計共多派銀一千一百五十二兩矣又據詳船戶既有水脚每石六分則三升食米可以節省但去米增銀不若減銀存米給三升食米減一分八厘水脚共應減水脚銀三百四十五兩六錢又照上年應減除剩銀一百九十二兩又應減月銷漕船二四耗旗丁水脚銀二百六十兩又應減本府常例銀一百三十八兩本府書差各役銀十六兩五項共減銀一千五十二兩二錢照該年筭本年漕費一錢二分

之外尚不敷銀一百兩可否將該道書役常規銀一百
二十兩裁革一百兩以免加派仰布政司會同驛糧道
確核詳奪至該縣上年月餉併餘剩銀速提經承勒追
以充本年漕費仍於本年漕費內扣除另派每石若干
報明存查其該府常例銀卽與衡山縣一案併嚴查詳
結繳

批澧州詳資漕項支用冊由

本都院所查者上年而該州所覆者本年誤矣若以爲
原查本年則八月初五尚未開徵何從知其徵用若干

也一駁再駁只以該州並未藉名苛派亦未額外多徵
爲詞其有心掩護從前抑抑無心糊塗到底也仰遵積
案另撤清冊責令經營正身經承賁覆核奪毋再含混
遲延致干重咎又詳內不開奉到日期併將不諳經承
飭報繳

批澧州詳上年支剩漕費係署令散給里民並無
存庫山

既有多剩銀六百二十兩從前何故欺飾屢次朦混直
至指出行查又以經承汰除一力掩護藐玩極矣仰速

照另詳批示立押四十一年官漕經承賣冊解轅究訊
繳

批益陽縣詳漕項支用銀米冊由

據詳上年漕費耗米署官通同里長及部運各役浮派
月銷米三百二十九石零如詳照數追取以克該縣本
年漕耗之用仍將各里役柳責示儆再查冊開上年支
用米六百三十九石零尚屬浮糜本年漕耗米已經該
道府酌議連里納共加一徵收並無不敷該縣正四二
耗共米五千二百九十二石零連里納共該加一耗米

五百二十九石零除追取前項三百二十九石零克用
外再於里納米內徵米二百石以敷本年耗費之用則
里納米應照原額減米九十七石七斗零不得多徵顆
粒致干重咎又該縣詳稱官徵官解革除陋規米二百
四十餘石具見實心釐剔仰驛鹽糧道查照飭遵繳

批藩司詳江守收衡山等縣清例由

前據署衡州府文報移詢江守稱屢經出示禁革倘陽
奉陰違則明有國法暗有鬼神亦難容此言行相違
之人得逃憲典但是否胥役指稱撞騙有無積蠹假捏

開銷惟確查據實指出庶不使中飽得其慣便等語是
其指天誓日似鑿鑿可信矣及署府指出衡山縣交銀
數目暨衡陽各縣詳開銀兩并移江守知難隱諱始行
自認又捏出發修義學之語如果非入已則初次關查
何不卽行指明乃諉於蠶役之中飽及至無可抵賴又
作此遁詞是不可欺三人而謂可欺該司道乎况據王
中科供從前知府常規原是二百四十兩則江守從前
收過若干年收過若干兩何以並不一訊仰該司道速
刊確查按數追完報奪繳

批澧州詳漕費散給里民難以復追由

此項已檄該道嚴提石門縣究追而該州又代爲欺飾
明爲中捏開銷通同侵蝕據詳恤民又以擾民若以追
贓還百姓爲擾民則必縱貪剝百姓乃爲便民乎擾民
之罪本都院任之與該州無涉至縱貪之罪本都院不
耳受該州前詳具在正不得以未嘗經手任意袒貪也
仰驛鹽道速照前批立提石門縣勒追完報按數分發
該州爲本年漕費此外不得妄派絲毫再查該道既察
知石門縣多派銀六百二十兩不卽揭參殊屬徇庇今

又不嚴提勒迫則澧州本年消費惟於該道是問仍行一體恭處先將經管此案正身經承姓名報查繳

批藩司糧道詳長善二縣漕糧耗費由

上年據該司道節詳漕耗每石止該加一徵收而二該縣於里納米外又收加一本都院行查恐致裁革故將里納一項徑行抹煞蓋欲陽奉加一之名暗收里納之利以僥倖於不察耳試思果有開銷果應於里納米外再收加一何不明白入冊而作此欺瞞畏功令者固如是乎該府不足言矣該道亦一任朦朧謂非縱庇其

可得乎且有漕該縣尚有里納米外止徵船戶食米三升者其何以處之也本應究追姑念首縣從寬豁免以愧其心長沙縣餘米卽存給建造

御旨碑亭工匠食米之費繳

批藩司糧道詳寧鄉縣漏造里納米由

無論有無侵蝕但以明徵里納之米敢於抹煞不造其爲官役侵吞百喙何辭本應究追而該縣婪賍纍纍此更其小者耳仰候別案從重歸結仍將玩法漏造經承劉仕義該道親提重責三十板行縣革役報再查此案

該司道並不親訊一語止憑府看操轉則嗣後本都院似應徑行該府而屢批殊覺瀆擬矣速將各案賞回改批繳

批藩司糧道詳瀏陽縣等縣漕項由

瀏陽既有里納米六百四十六石零若於正四二耗每石外加五升七合則是通縣共派費米一千三百石矣該縣既較攸縣爲近而所派銀米又較攸縣爲多無論不足服攸縣之心且於該司道上年之議謂何此等案件該道並不加核定止以未敢擅便一語據轉則亦何

必煩該道之案哉瀏陽全憑保歇爲政深可痛恨仰嚴
飭遵照上年司道議行該道毋得自行違悞至現今漕
務將竣而平江臨洲尚無定議豈二該縣欲於多徵後
定議乎抑該道有意縱玩也石門署澧州一案亦查無
一字回覆通候嚴叅繳

批藩司糧道詳平江縣徵漕加耗山

此時該縣徵漕已竣而消費尚無定數豈該道並漕可
置平江於不問乎據詳所云較攸縣里納之外每石耗
米五升之數則少米四十石有零細筭殊不能解且該

道於臨湘一案斟酌備見精詳平江較臨湘固遠然亦
非不可意計也仰照臨湘算法量加若干速定報奪今
日已封篆矣石門竟無回覆藐玩已極俱開印發提繳
批藩司糧道詳湘鄉多加耗米追克本年漕耗出
湘鄉縣正二四耗共米九千五百一十九石零照上年
該司道議加一徵收漕耗連里納米共應收耗米九百
五十一石零除去上年該縣多加米四百五十二石卽
克本年漕耗外本年尚應收耗米五百石仰卽飭遵仍
候出示曉諭再查此等定數該道貴介經承一算可了

自清軍平定後
況此時州縣徵漕已竣乃猶轉行府縣展轉時日不過
欲爲該縣多徵地耳併嚴查該縣實收耗米若干具結
報查如有升合多取先提該道經承究處仍將該道一
併嚴叅繳

批藩司糧道詳平江縣漕費多徵銀米由

據稱該介以病噴爲辭豈病民者適以自病乎經該司
道查明如詳嚴飭遵照又查該府前詳李億以一人而
捏寫原告十名殊屬刁健仰行學重責三十板併朦混
經承俱飭縣革役繳

批平江縣詳賣制斛斗升解驗由

以一斛斗升各一張而收八千餘石之漕糧則納戶之守候經胥之措索勢所必至或該縣於奉發外私行置用則頒發徒屬具文而該縣乃云足可收量此語僅可欺飾於從前豈容朦混於今日况前檄原令州縣應用張數該縣竟不寓目聽信經承率詳殊屬不合仰驛鹽道照前檄查報飭遵毋縱玩違繳

批驛糧道詳衡陽縣漕費由

易銀並非時價該縣明有贍徇但該道並不核增若再

駁查似近於苛矣姑如詳以此三百三十二兩照前檄
抵充本年消費其扣減額徵數目仰卽飭遵并出示曉
諭毋得浮派私徵致干大咎

批糧道詳費兌漕制斛斗升請驗由

仰將驗發制斛斗升速遵前檄并行較準呈驗頒發有
漕南府州仍嚴飭工匠鐵包必須厚實油漆必先灰布
釘隻必須轉脚毋得草率干咎

批寶慶府詳羅美章私收折米由

據該縣前審唐吉生折米交與王起昆而羅美章代寫

飛子並非改名復入衙門該府亦據以轉詳但羅美章
既代王起昆寫飛何以飛子竟寫羅美章而不寫王起
昆且唐吉生折米交與王起昆決不要羅美章之飛子
而羅美章未收唐吉生折米決不肯以已姓名寫飛與
唐吉生此亦情理之易明者乃上下打成一片捏造鬼
話該縣之狗庇欺罔無論矣該府亦可扶同不察乎唐
吉生既供印票發出也就補給該府又不驗明印票種
種朦混是何意見總只就飛子姓名定罪更有他說飛
子既是羅美章則其更名惡役百隊奚辭羅美章照例

杖一百徒三年唐吉生所供不實併重杖以懲該縣庇
役朦詳仰嚴飭記過繳

批都使司詳平清二衛米折銀兩辨明司庫字樣由
據詳四十二年平清二衛米折銀兩存貯司庫候交撥
餉之 部案可驗但彼年有無將該道衛門米折銀兩
一併存貯司庫之 部案若四十二年止奉 部文將
二衛米折銀兩存貯司庫而該都司遂以四十三年米
折銀三萬九千五百四十兩俱屬存貯都司之庫則該
都司欺悖 部文竟以都司而兼理藩司矣又據詳二

衛米價 大部業已洞悉存貯本司庫內所以於咨報
折價全完 部文內令其存貯藩庫本司始遵移解自
不致有干 部詰等語查上年將米折銀三萬九千五
百四十兩存貯司庫之 部文於五月准到而布政司
交代錢糧冊於九月具 題其二衛米折銀一千六百
九十六兩六錢行令存貯藩庫之 部文於上年十一
月二十二日發咨十二月十三日准到而奉駁四十三
年奏銷案內米折銀三萬九千五百四十兩先經行令
存貯司庫署藩司交盤冊內並無此項銀兩應將此等

舛錯查明具題之部文於上年十二月初二日發
咨十二月二十四日准到今該都司不遵照五月准到
之部文而以遵照十一月二十二日之部文自不
有干部詰則內部方於十一月二十二日行咨存貯
藩庫而十二月初三日甫隔十二天卽駁查署司九月
交代冊內並無此銀兩恐內部未必如是之背若以
二衛米價內部已洞悉存貯都司之庫而反駁查署
藩司冊內並無此項恐內部未必如是之偏如以十
二月初三日部文止駁署司糧道而不及都司恐

內部未必如是之縱且十月初三日 部文奉

旨現以五月內行令存貯司庫之米折銀署司冊內並
無此項行查外錯而該都司執十一月二十二日之續
咨擬定不干 部詰則該都司權操 部務不但欺蔑
上司而併欺蔑

聖旨矣本都院遵

旨查明外錯不能聽任都司捏飾朦混具覆仰布政司
查照前項逐一移查明白確核詳奪繳至該經識示訊
不到並不拿解明係踵襲故習做成套局肆行無忌另

自治官書

卷四

批詳

都司屯米折銀

策

懷策堂

侯敷是嚴究數

批藩司詳移查都使司屯米折銀出

據該都司稱四十五年六月初七日奉准部覆應照所請以六錢折價將米折銀三萬九千五百四十兩存貯司庫候文撥餉是存貯司庫者不止都司屯餉所云司庫者決非都司之庫乃都司將彈貯庫之銀不卽移解該司而又朦朧請咨是其朦混內部者一矣及本年三月始將奏存銀兩移解該司詳請咨報又不將前項部文裝敘詳首是其朦混內部者二矣今屢駁

之後又稱五月准到之部文乃行令折價之文將存
貯司庫四字竟行抹殺是其欺蔑內部者一矣且又
稱司庫爲都司之庫是其欺蔑內部者二矣該都司
原是懵然無知一任經符舞文捏飾本應駁提但以逾
限又將屆月姑照原詳題覆該司仍照前批速移都
司知照併將縱逃之經識拿解訊奪繳

批來陽縣詳覆本年南米因新役遺漏已徵在庫

四字由

如此遺漏朦混豈得盡咎經承乃稱民事紛紜未及寓

自清官... 卷五... 日豈待無民事之知縣方爲寓目耶既稱存剩無幾仰即起解不得多剩繳

批糧道詳解衡陽縣經管南米經承候訊由

該縣如此糊塗南糧安得不通欠也仰即嚴提經承仍摘提頑戶查比務完報繳

批糧道詳湘潭縣多徵銀米抵克本年漕耗由

據詳該縣易米抵克本年漕耗何以竟不開明易米若干又該道前詳以此項抵克本年漕費據報多徵銀數今既抵克漕耗而不開明抵克漕耗若干則所謂抵克

者亦止於紙上塞責其該縣有無侵蝕曾否扣減該道亦總置之不問也仰速查明確實詳奪併提該縣朦混經承解訊繳限開印日到

批岳常道詳澧州漕費餘銀追克本年漕項由

據詳澧州上年漕費餘銀六百二十兩查上年既經該司道議飭酌減何復贏餘如許之多該署州作何派法奉何明文該道專司漕務漫無覺察既知多派銀六百餘兩乃不卽行揭叅反以散給二字縱貪侵蝕明屬通同徇庇仰布政司會同驛糧道卽提署州石門縣勒限

半月追完報亦至該護道批稱該縣前兩詳士民欲將此項銀兩捐修是此項銀兩原未散給百姓併飭該州甯爲今歲漕項之用將今歲漕費除去六百二十兩於百姓名下每石減費若干殊爲允協卽移知如詳飛飭該州切實詳明併具遵依報查如該縣抗延不完先提經承究比仍查劣蹟詳參繳

批安仁縣詳漕糧照往例捐增一合由

一合之米爲數無多但據衡陽縣詳稱船戶既有水脚則食米可以節省業批司道將衡山縣船戶食米倣例

而行該縣應否仍給食米仰衡州府確查報奪繳

批臬司詳江守收衡山等縣漕規應否行追由

據詳江守勒收衡山衡陽安仁耒陽等縣常規銀四百
四十二兩自認不諱已干貪官犯贓不赦之條該司道
不卽揭祭乃聽其借名脫卸混稱應否究追殊屬駒鹿
仰卽會同按察司速具詳揭以憑 題祭毋得刻遲致
干失察繳

批藩司臬司糧道會詳江守勒收漕規悉爲交出

免祭由

江守勒收四縣漕規銀四百四十二兩又三十九四十
年收過衡陽縣銀四百八十兩犯贓疊疊事在不赦本
應叅追據該司道詳稱江守願照經承供數及前認收
銀悉爲交出請詳免叅姑如詳行卽將前項追完銀內
二百三十六兩發衡山縣四十四兩發耒陽縣二十四
兩發安仁縣以克本年漕費仍飭四縣本年漕費照數
扣除爲四縣百姓省九百二十二兩之辦費毋得混派
私徵致干重究仍取四該縣造具扣除額徵漕費數目
及收骨遵依報查繳速速

批常寧縣詳遭費通縣公辦解迎山

漕糧官收官解久經通飭該縣稱係民戶辦解是否奉
有明文至里長業奉

旨勒禁該縣乃稱係十甲通年輪當何敢於違悖若此
仰布政司會同驛糧道查明飭知報繳

批潯州詳餘剩銀兩里老僉稱分領由

前據該州詳據士民願以前項剩銀助建碑殿且有餘
金願修學宮今又詳稱分領明白何其矛盾不顧也若
果已領明則所剩者何物如以爲士民願吐領回所剩

之銀則可以建碑修學者獨不可以克本年消費乎何以該縣一詳再詳若抱剜肉之痛而且云恤民反以擾民也况據岳常道詳稱該縣兩詳士民欲將此銀捐修是此項銀兩原未散給百姓而士民呈內亦稱未散者居多該州尚欲力肆欺飾是誠何心仰驛鹽道速提石門縣勒比併嚴比經承全完報奪繳

批平江縣詳南折與民賦合徵由

該縣上年濫收漕費不照漕糧石數而聽棍蠹苛歛竟照民糧派徵致多朋僇如此厲政里民尚且惟命是從

批衡山縣詳江守收受漕費仍給該年之人由

批糙道詳里納脚米原非勒索由

衙門上下多一事卽多一事之費既據該道稱並無令
各州縣起具批文赴道投驗之行則醴陵湘鄉常寧澧

州平江五屬附起小批何不卽行駁回飭停乃稱此項有無不足爲重輕而存批不發豈非重違經筵之意卽通行禁止取各遵依報查姑免提究繳

批湘陰縣詳兵米按月支給由

上年各州縣存剩米折解 部銀兩俱於九月開徵者蓋以上半年解道甚多彼此通筭故可緩至九月以紓民力本年已經均平支解則給兵者令其按月徵收支放解 部者俱照例七月開徵庶兵食無悞徵輸亦易檄行該道甚聞今該縣猶混稱存剩米折九月開徵豈

該道竟未遵檄通行耶仰驛鹽糧道詳查明飭知其撥
兵季米如詳行繳

批糧道詳臨湘縣漕費由

視令徵收漕費不照漕糧而照秋米以致多徵銀四百
餘兩又私用米二十石該道豈無見聞乃漫不覺察徇
庇殊甚及至今日直窺到底無可欺飾又稱該令丁憂
回籍免其浚求姑從所請以全該道始終庇屬之意載
宗聖月銷入已註册候勘繳

批常寧縣詳漕費每石一錢二分並無另派山

據詳每上納正四漕米一石交銀一錢二分則是二耗
並無漕費矣又里納米給部運官爲岳次給發旗丁及
填補節展折耗等費並無另派升合漕費每石名目則
是消費米並非加一矣仰布政司會同驛糧道如詳飭
合通縣分辦按數交納不許奸胥豪棍藉名濫派致干
重究仍抄詳通行有漕州縣知照繳

批長通判詳羅仕英告許奇元濫派山

無論原告之挾私且問所告之虛實况諸款情弊亦非
專在該縣覈爾廳員方且畏忌之不暇尚敢出一言相

折自取罪戾耶仰布政司會同驛鹽糧道執法嚴審務
究真贋據實詳奪如贍願狗隱莫謂本都院真聲噴也
原告執私並懲不悛繳

批驛糧道詳衡陽縣漕費扣減外並無多派由

舊漕久解新漕又將徵而始稱該縣漕糧除扣尚該徵
銀一千三百九十九兩則果否徵收此數該道無可稽
查且不肯稽查矣况原榜找徵銀一千一百三十餘兩
而竟多徵銀二百六十餘兩並未詳明任意濫派則此
外多徵不知幾許始見該道之屢催不覆非無故也至

周勝生許告一案何以不發衡陽縣而發衡通判不過以該通判署篆興寧任其延挨又可爲寢擱耳仰速飭衡陽縣嚴迫取供詳解限十日內招奪如再逾延卽提該道經承重究繳

批岳通判詳覆開會交等詞控侵濫由

開會交任文元依擬總徒四年劉世先黃坤祥各杖懲其民欠漕米一百九十餘石併汪皇佐交山銀布衣袍等項仰驛糧道卽飭岳州府追克膳船茶船馬船划船水手之費併移藩司存案核銷又常人盜官物原係雜

犯准徒故誣告有徒三年之議其誣告真犯死罪未次
何得援引此案併飭行繳

批糧道詳劉孟達等多徵漕費由

陳令不遵定數多徵漕費銀九十二兩又將船戶通同
斗級多收花戶之米作爲食米而百姓隨糧原納米四
百石竟扣賣肥糞覲法極矣仰將多徵及扣賣銀米着
落劉孟達及劉孟禮監比全完仍代通縣覈四十四年
漕兌之用至給還取領明係虛捏不必行查船戶既多
收花戶之米則食米自無短少毋庸重給餘並如詳行繳

批藩司糧道會詳羅仕瑛告縣胥勒索各款由

此案官役分肥上下賄隱被害不敢質問官不能究其
原呈受賄亦含糊其詞如鍾朝相等婪贓纍纍僅以些
微塞責卽此些微之贓已多方開卸何猶藉辭紙筆違
例援宥卽卽按律定擬照追稍存三尺於未墜蕭鎮斯
旣管 奏銷水程乃捏詞告假諉罪案書不知監司衙
門竟以案書辦事何時設此規矩果爾則該道已難辭
閒用白役之咎矣蕭某與譚某俱革役再據陳茂傑等
供銷引使費是同顧正鐸交與吳廷正的又吳廷正供

顧正鐸要了一兩銀子一段布等語何以並不拘訊換帖派費耳目難掩區區經紀有錁其口者故詭辭出脫耳斂費雖無實據寫換必有經承并將換帖之經承與過贓得錢之顧正鐸嚴提確訊詳奪繳

批驛糧道詳開丁銀兩由

原蒙前任漕部院蔡於敬陳末議等事案內題明將軍籍子弟清編開丁每名徵銀二錢解存道庫俟造船之年均給旗丁貼造楚省各衛一體給領緣逆變停運所徵銀兩概行解部於四十二年湖北各衛所援

江南錢夫等項復給之例 題覆允照節年徵解丁銀
支給報銷在案是以湖南五衛旗丁援例呼籲但開丁
銀兩楚漕復運之後解 部有年應否援照湖北之例
題請復給仰候 漕部院批示繳

批糧道詳衡山縣南米士民自願同餉併納由

地丁南糧徵收固不必另摺完納豈必在同時卽據經
承供稱有地丁南米併完的也有止完地丁的則上半
年除給兵米外止應徵地丁而不併徵南糧明矣本都
院之屢檄姑置勿論卽查該道造賣南糧考成冊俱開

七月起是七月以前之南糧該縣或不妨徵該道或不妨收而本都院斷不便批發經承責十五板發回仰併飭知繳

批糧道詳賣酌定兵米冊由

南秋二米例於七月開徵而兵糧萬難緩待其預徵給兵實爲不得已之權宜揆之定例殊有不符責之小民豈能無累查本年克餉之米可供來歲春夏二季之兵食似應以此貯庫候解之項每年於春夏二季按數給兵卽以七月開徵之項於 奏銷奉准 部文後照數

補解既不悞於解部又無缺於軍精一轉移間而民間緩急年之預徵即可紓催科之擾累第未經題請不復那移恐違定例仰即確議通詳候核會題繳

批驛糧道詳二幫漕糧兌竣請題報由

仰候核題此詳於十七日巳時接到該道所填小日即係十七岳長相距三百餘里豈能於片刻飛馳計其發文尚在未開印以前而該道必壓填十七日不過欲符前詳往例開印繕呈之語耳但該道四十五年正月初二日詳到並未用印則未用印以前不用印可也即

用印亦無不可今既於未開印以前用印而用壓填開印之日使將來授以爲例曰必於開印繕呈則開幫之遲悞皆由巡撫之通同該道經承殊屬欺玩是否十七日發詳仰飭經承赴轅候訊奪繳

批驛糧道詳城步縣支剩秋米解經善令彈收由城步縣秋米既經該道屢催該縣遵於上年十二月起解二十九日彈收給發副實收矣上年本都院公出南嶽除六合解餉員役將批文徑赴該衙門投遞彈收外又照例檄行該道凡有解餉批文該道卽行拆閱將銀

兩兌收其批文有該衙門造冊同費以憑驗截在案非不甚明今該道聽任經承巧稱本都院公出批廻未經投驗掛發該道無所查考豈巡撫之檄行該道竟未寓目耶卽未見巡撫之檄而此項批廻是否已投該道衙門若以已經投道之批廻而尚謂批廻未經驗發該道無所查考是欲巡撫以何者爲驗發該道以何者爲查考耶該道經承將解收之秋米並不報明復行派撥該道又將已收之秋米預撥兵糧仍催縣領獨不思一解一領談何容易該道固應視經承爲腹心而何至視縣

官如草芥耶如仍催領希圖侵扣卽提大膽經承仗斃
至天柱營赴領春季兵米已飭長沙二縣墊給毋吳軍
需其兩營兵糧已據城步縣詳批示該道旣抗不解該
管經承卽將此詳經承楊映斗解訊繳

批糧道詳運軍余繼兒控衙蠹占田由

沔陽通衛運船二十隻據王榮世供除民占外仍有軍
田若干以二十一船計之則每田若干畝卽應派船一
隻矣今京山以七百畝之田不及沔軍三分之一而獨
當一船之運已屬偏枯况又增之以一是何爲也余繼

兒等呈請給 進船其說未爲不是據詳通衛旗丁議
將京 止運一隻四分仍是五百畝而派一船也較之
洩軍不及四分之一矣該道職司轉餉自當恤軍懸困
務得均平乃竟不通盤核算一爲調劑惟據通判一詳
旗丁一息遽爲率轉以畢此局則該丁復何所控懇以
釋此重累乎仰卽確查旣不能按軍給田應否按田派
船以立永遠章程以均旗丁苦樂併所控各款俱再行
嚴訊一併詳報繳

批糧道詳費樣斛驗發出

仰依原照鐵斛製造之樣斛製造頒發其領回斛板既
須削薄牆底加高牆脚以符樣式則板片過薄自不能
經久而加高牆脚尤爲苟且塞責殊不可用至鐵斛不
妨稍薄而木斛必須加厚較斛止在所容之多寡而不
在木片之厚薄惟口面必須照依鐵斛不得寬濶以滋
狼戾耳所費又製一張雖省工費而斛身大矮終屬不
合新奉

俞旨鐵斗升已經遵造頒發自是遵照另頒毋得遲
違火速

批 靖五 請照舊坐撥兵米由

兵米。徵本色而湖南除坐支外概徵折色以便道給
發不坐支之兵米則兵之領折色者多矣兵米自應坐
支而五府州之南米給兵解 部各半解 部可待來
年而給兵不可緩且夕給兵之數太多則徵收之數亦
多而爲期太早兵士安坐而民之苦催者多矣查糧道本
年已貯二萬七千二百餘石之米折銀兩舍此不發而
必敲扑吾民疲於悉索實所不忍本都院所以仰屋再
三暫爲目前收弊之計令各營夏秋兵米俱於道庫給

發而民間南米緩於九月開徵也據詳一半徵銀解道
民有折解之勞而又靖州非產米之鄉易買維艱仰辰
沅靖道移行該協并靖州會同確議覆核詳奪繳

批藩臬二司會詳湘鄉民劉有源條呈由

魯朝簡居官不職召謗啟羞卽如考試出題糊塗錯謬
竟成笑柄其他昏庸之事已可慨見姑以業經卸任免
其議究至國十六年收漕一節周璟黃久徵之供俱置
勿論開珩龔昌位僉供每斛高一指甚爲確鑿該道

漫

錄詳覺察仰速按數嚴追交倉備賑其報壘

是
初令
徵併飭署縣查明據實詳報繳

監鹽道詳長辰二府欠解米價出

以還帑之現銀竟克知府之私用該承該攤不催不詳
直至本都院專差檄提方行批解收明歸項該道尚爲
玩承請寬豈撫院應爲代催之衙門而該承不妨作姜
守之心腹乎薄懲以儆外容再犯繳

批藩司詳唐天祥等控私徵帖稅由

帖稅原非商稅收帖稅而謊稱商稅前官濫行私徵之
弊也借商稅以掩其帖稅問官曲爲出脫之弊也經奉

廖君兆雖奸不能諱而高同知復敢白日說夢乎仰速
提唐天祥等確訊詳奪繳

批藩司詳寶慶茶戶劉崇義控重徵稅茶田

據王勲偉供客人報數上稅給票到蘓溪方纔照票盤
驗則蘓溪只司盤驗而報數上稅皆不在此又供招攬
的先任府裏報了稅票上了銀于拿票到各口岸轉賣
給客如過關則過關之船無不在府報稅票上銀方纔
過口矣今以引銀一項乃稱茶貨於蘓溪補納者甚
多又稱

不由府關上納或徑往各口隘就近完銀

則蕪溪之土井盤驗而直收稅銀矣且所謂補納者原係該關之山以多報少各商願在蕪溪就近照數納稅謂之補納今若於該關補納反有三千七百餘兩之多則此關全歸巡檢而府官乃其贅餘矣至該府據劉永錫供各客都走往小關報稅就不能取他引銀等語夫私茶等於私鹽無引卽是私茶今以三千七百餘兩之私茶公然漏出獨非私茶之失察乎況該府稱引銀嗣後每船給銀二分是照何起算若據稱今年到府不過三百隻照此每船收銀二分是每年不過六兩恐該府待

經紀未必如此之刻也經紀每年多收引銀該府既不
能禁止及經駁查反爲多方欺飾獨不思前詳各供已
揭分明該府卽不顧前後矛盾豈視上司盡聲噴乎仰
速飭將此多收引銀按數追出發巴陵縣買穀備賑併
嚴飭經紀每船止應收引銀二厘毋許影射浮多致干
提究繳

批藩司詳倪玉伯童髦年私收魚課由

倪玉伯有批給合同從前何無一語道及該司已加
盤詰是與否查合同內首行卽係補繳中間七姓內外

兩七字

係破孔改竄一係挖補另填又破缺之處俱

是新牘俱是戶姓數目緊要字眼明係作弊挖去且七
姓朋克內止稱合同六紙卽此可見如莊張蕭劉倪李
六姓之合同而非七姓之合同矣當時原係童受七莊
敬祖公議而今併將童受七拉入指爲七姓合同詭險
殊甚該府詰問又併指莊敬祖俱爲魚戶蓋童受七可
拉入合同則莊敬祖亦可指爲魚戶似此附會幾成笑
柄不思府審司詞倪玉伯初供原有六姓合同一語非
其左證乎再查合同一稱桃源縣以童受七呈名申上

一稱遞年令戶丁受七催督一稱票付受七收執盤盤
可據而該府初審亦稱驗有河伯所納魚執照上寫票
付受七收執魚係受七戶丁催督等語是與合同所開
無異何以不將此照一併呈驗又莊某初供先日各人
都完有由票被童髦年收去等語如果各有由票則朋
克亦有確證何以又不究明下落至於倪玉伯既爲呈
首出控此番抗不到案胆令伊子頂代其爲情虛畏罪
可知何以任其規避抗不赴訊該府止聽倪作甫所供

二語遂欲見之恨晚不難自家認錯豈知合

戶 以從前匿不取出迨日久計生巧爲挖
補剗亦詎稱尋出欺玩問官希圖混斷耳今破綻已露
有目共知是六非七則前供受七戶名係七姓合戶完
糧誣捏顯然總之官湖雖屬公物而承業辦課必有根
由若人人得而有之爭訟殆無底止仰卽飭照合同原
議併該府前斷行其已結變告又抗不赴審之倪玉伯
及挖補剗空作弊欺官之倪作甫各照不應重杖折責
以懲刁詐該府承讞玩延又糊塗定案並嚴飭行繳

批藩司詳牙行劉子遠等唆官勒稅由

衡陽縣牙雜稅共額徵銀二十六兩六錢而陳合混報
增銀一百八兩以蓋其歷年私徵入已之贓此項曾否
解司若果未解則所徵稅銀何故不究又米行每年共
該銀一兩二錢而四十二年每戶完一兩二錢共二十
六戶共完銀三十一兩二錢劉子連等所供甚是鑿鑿
卽此米行推之則百八兩之稅俱屬私徵已無疑矣該
府縣明知曲徇只以無庸深究四字了之成何獻法乎
豈真令 是爲可庇而上司爲可欺耶仰司嚴飭衡府轉

按數嚴查統送解司補項仍將該縣報增

事請查明詳奪如再含糊卽提親訊泰處繳
批江潭縣詳牙行各項隨規由

據詳見在牙行帖九百零九張按帖計費總畧二千三百五十餘金此兩年內牙帖費歸何官何役仰布政司嚴提經承親究報併飭知如詳俱速禁革繳

批藩臬二司詳牙行張貴卿違禁放米由

湖南爲產米之區連年各省商棍射利搬運去者日多存者日少而米價騰貴窮民艱食官斯土者顧名思義未有不爲民計饒殮者也乃出示開禁委官押放庶商

病民是誠何心牙行國戶小人謀利雖不足責而乘機
縱販貽害鄉邦實楚民之蠹賊張貴卿不許再克牙行
高公生不得再作國戶致滋弊端繳

批藩司詳新化茶戶劉崇義控重徵由

蕪溪補納稅銀明有情弊速嚴行禁止羅之勲杖革張
洞若枷貴票頭街長併弓兵書識紙飯等銀如詳飭禁
據劉永錫供茶引七道每年要八兩多銀完納以新化
額稅一十兩計之則每兩應扣引銀不及三厘今每船

後四分二厘零即收引銀三分是每兩收銀四

此項引稅銀一百二十餘兩歸於何處該府
不行出止稱嗣後每船給銀二分殊爲徇縱該司經
承亦不詳查遵行率轉是何緣故仰嚴行該府確查報
奪繳

批湯彥宗等控私派一案由

縣令阮茂功令而沿錮弊羣蠹亦何憚而不誅求據
詳止就兩經承草草訊供遂畢斯案以云隱惡則是矣
謂之釐奸其可乎卽如經催一項每都只公議一兩人
該縣所稱依舊一當九空非不洞見情弊又據二犯供

是輪該那一甲就是那甲公議兩個催的其爲里長之
別名已無疑義而該縣不加窮究誠如該司所稱含混
何足以定斯案也王令真是目無三尺寧止功虧一簣
後官勿效前官一誤不容再誤本都院亦知罪戾白簡
具在不在多言繳